

新疆图志

新

疆

圖

志

新疆圖志卷十三

天章四

高宗純皇帝西師底定伊犁捷音至詩以述事

乘時命將定條枝

天佑人歸捷報馳無戰有征安絕域壺漿軍食迎

去聲

王師

據副將軍阿睦爾撒納等奏稱

大兵至伊犁都統崇持羊酒迎饗者絡繹載道婦歡呼如出水火自出師以來無血刃遺燬之勞救邊補穴實古所未有

阿玉錫歌

阿玉錫者伊何人準噶爾屬司牧臣其法獲罪應剝臂何不卽斬
犯厥尊徒步萬里來向化育之塞外

先朝恩

事在雍正十一年

薩拉爾來述其事云卽彼中勇絕倫持銃迎面未卽

發直進手奪無遯巡召見賜銀擢侍衛卽命先驅清漠塵我師直
入定伊犁達瓦齊聚近萬軍鼓其螳臂欲借一依山據淖爲營屯

我兩將軍

阿睦爾撒納薩拉爾

重諮議以此衆戰玉石焚廟謨本欲安絕域撻伐

毋乃違皇仁健卒掄選二十二日阿玉錫統其羣曰巴圖濟爾噶

民族文
化宮圖
書館

爾

去年投誠封郡王納墨庫圖之章京也

及察哈什副以進

叶此人乃我師至伊犁新投誠之宰桑

阿玉錫喜曰固當

去聲廿

五人氣摩青旻銜枚夜襲覘賊向如萬祖父臨兒孫大聲策馬入敵壘厥角披靡相躡奔降者六千五百騎阿玉錫手大纛率達瓦齊攜近千騎脫走喙息嗟難存荆軻孟賁一夫勇徒以藉甚人稱論神武有如阿玉錫知方亦復知報恩今我作歌壯生色千秋以後斯人聞

雙烈詩

有序

雙烈詩者例雙忠詩而作也昔駐藏都統傅清左都御史拉布敦誅叛臣朱爾墨特納木札爾以人少力微二臣死事然究能鋤元凶而安絕域故臨奠建祠並有雙忠之詩以揚其勲去歲命定北將軍班第議政大臣鄂容安駐伊犁時二臣既奏阿睦爾撒納有反志朕命便宜從事庶幾消患未然乃二臣觀望疑慮以致兔脫而賊黨反得結連赴約襲我軍營二臣力不能敵損軀沙場猶之死王事也一以勇決建績一以徘徊償事然臨

難致命奮不顧身有足哀者今大兵既靖伊犁逆賊窮蹙逃竄
不日獻俘二臣靈輿至京之日朕亦親臨醴奠並成是什雙烈
云者蓋不如雙忠之盡善矣

昔有傅介子手斬樓蘭頭通權建殊績芳名播千秋况乎統三軍
既悉彼逆酋一武夫之力何事仍夷猶逡巡大軍徹偏師五百留
彼梟有密約入覲中逗遛八月廿五日三處共一謀阿睦爾撒納
來阿爾台陁將合其部衆挈妻孥以逃叶是則預有旨其妻孥盡
收厥阿巴噶斯斷我軍書郵克什木巴桑伊犁逞刦偷兩路如期
發猖狂肆叫叶諷蜂屯更蟻雜不可爬與梳叶二臣知不敵全軍
將內投而彼截歸路加以聚虬蟬巴桑謀致辭權假爲我逮徐當
備馬馳送之返皇州二臣怒唾罵天朝無此媿効死視如歸背義
生肯求奮旅更前進氣髮衝兜鍪終知事不濟畢命飲屬饘叶問

罪重整師豈辭雪載途

叶

阿睦爾撒納叛後而謂事難成者皆以爲不出所料伊犁卒不能平朕料叛賊

延緩則叛賊又將別生變非反失事機因正永常恒怯退師之
聞急趨西路軍師尅期進剿旋於今春直達伊犁賊失遠奔竄旋復定伊犁脅從寬厥尤一二助

惡者

謂阿巴噶斯克什木之流

繫虜皆虔劉渠魁竄異域王師奮遐搜亦聞哈薩克

縛獻深同讐命求二臣骨靈輿返首邱臨奠例雙忠惜哉淚湧流

初若聽我言寧有今日不忠於國有濟烈惟已不渝叶究匪貪生

比使我悲心悠朱門歌舞輩青史文章儔我豈爲彼哉長歌旌乃

休

舒布圖鎧巴圖魯奇徹布歌

千人萬人敵昔有亦惟能將資衆力一人奮勇敢二千昔未前聞

今始出其人曰惟奇徹布向爲侍衛備宿直叶去歲從軍監包沁

包沁之人乃通賊

厄魯特呼敵爲包包沁其司敵人也上年五月其宰桑阿克諾爾率衆二千餘人來圍通賊阿睦爾撒納之亂包沁煽動開出卡倫爲官軍所戮

來圍其帳

欲肆害奇徹布曾無懼色徐腰囊鞬手弓箭出帳跨馬聲霹靂蟻

聚叫謹羣近前應弦卽倒賊辟易辟易復前恃其衆長槍大銃競

相逼奇徹布且戰且走得一柳林爲障翼賊人圍之凡數重恐自

傷無施銃隙持槍人亦弗敢進進被箭死屍橫路二千人各二千

心一人氣奪二千魄侵尋天暮衆西奔奇徹布歸奏殊績賜金賜

爵酬勤勞復請從師肯宴息舒布圖鎧巴圖魯神勇之名汝應得
荆軻孟賁匹夫豪日月燭火光應熄我歌嘉爾豈徒然勗我八旗
永爲式

三巴圖魯歌

巴圖魯者勇冠軍昔我旗人頗恒有近世以來殊不聞蓋因太平
日已久歲寒松柏見後凋當春何以殊榆柳邇者西部屬用軍折
衝咸欲効奔走舒布圖鎧已超羣三巴圖魯亦赳赳其一額納伸
去歲伊犁從將軍將軍使彼詢事因單騎逕入衆賊羣左支右絀
箭斃數人知事不濟拔刀自刎期報君其一巴寧阿諱作倉卒亂時
將軍前後護衛相蔽遮發無不中中無不死殺人如麻將軍遣之
出巴寧阿曰朝廷命官偷生安往耶力敵視將軍盡節然後伏劍
義烈真堪嘉二人旣死還復甦宰桑巴礪得之壯其志養之數月
我師再入方得歸軍牙其一曰富錫爾將軍命之搗印以出歸帝
里其奈賊人擁蜂更屯蟻料不能出將印沉之水力戰受創命垂

盡伊犁喇嘛救之得不死故賜額納伸曰卓禮克巴圖魯卓禮克者節義卓爾永不渝賜巴寧阿曰昆都爾巴圖魯昆都爾者力敵萬人暇有餘賜富錫爾曰哈布台巴圖魯哈布台者穿楊貫石技不殊迴思去歲迅功成亡矢遺鏃夫何曾不期小醜逆志萌未能除蔓我二卿乃致沙場雙捐生亦我坐謀遙未精嘉我旗人多忠誠舊風未遠垂儀型愉以爲戚留定評乃至西海揚芳聲

伊犁將軍奏土爾扈特汗渥巴錫率全部歸順詩以誌事

有序

伊犁將軍伊勒圖等奏土爾扈特汗渥巴錫及其台吉策伯克多爾濟並舍楞等率其部衆三萬餘戶來歸先期遣使至伊犁具書通款自言爲阿玉奇汗正系向居俄羅斯地久願爲大皇帝臣僕而無機可乘乃於去冬謀去舊游牧挈屬內附因自彼逸出行程萬千有餘里閱半年餘始抵卡倫乞準令入覲以伸積誠渥巴錫等以先後來伊犁察其詞意懇切郵函以聞先是安泰奏偵知土爾扈特部內附信卽遣額駙色布騰巴爾珠爾

往迎之今卽諭其偕渥巴錫等至山莊朝謁而舒赫德亦先所
命由烏什馳往蒞其事者因令伊勒圖爲將軍駐伊犁安輯新
附之衆給以餼贍振其乏也授之牧地資其生也其汗及台吉
宰桑至者將錫宴賚封爵秩而其部衆則量地分編以居聯其
情亦渙其勢也蓋土爾扈特自入俄羅斯遠阻聲教越今幾六
七十年乾隆丙子秋其汗敦嚕布喇什雖曾使人入貢第宴而
遣之茲乃不籍招致全部內屬誠有不期然而然者且準噶爾
自底定以來築城安屯無異中國郡縣今土爾扈特復隸我藩
屬於是四衛拉特之衆盡撫而有之可謂盛矣然余履泰持盈
之念彌以是爲兢兢序而繫之以詩紀實也其詳分注各句下
此則無庸覲縷矣

土爾扈特部昔汗阿玉奇今來渥巴錫

渥巴錫爲土爾扈特汗阿玉奇之孫敦嚕布喇什汗子也

明背俄羅斯

斯向化非招致頒恩應博施舍楞逃復返

平定伊犁時舍楞曾計畫我副都統唐喀祿逃匿俄羅斯彼時即向索取而俄羅斯以土爾扈

特舊係彼屬並不遠遁今舍楞既棄彼來歸俄羅斯即向我求索亦有辭折之然莫若先以此意令典屬傳檄示知尤見中國光明正大

彼亦合無辭衛拉昔相忌攜孥

往海濱準噶爾舊凡四部曰渾羅斯曰都爾伯特曰和碩特曰土爾扈特為四衛拉特策妄阿拉布坦時與土爾扈特稱其汗阿玉奇統各部西北去乃以輝特為一衛拉特而土爾扈特部遂居俄羅斯終焉懷

故土遂而棄殊倫俄羅斯素不奉佛土爾扈特在彼俗尚不同知伊散黃教振興因思還歸故土且聞從前投誠之都爾伯特部在几得勝封爵樂業安居遂棄現居之額濟勒勒游牧半屬內附弗

受將為盜初聞土爾扈特來歸之信議者或以舍楞前此負罪逃去不宜與衆同受其降余以彼既棄俄羅斯而來若拒而弗納彼退無所歸必為盜抄掠非所以甯我邊圉且恐舍楞不來同行之衆咸疑畏不敢前殊非善全之計

若俟其既至執而罪之尤非所以昭威信示懷徠也彼既悔罪偷悅則宥其已往益足彰我寬仁而衛拉全部莫非王臣亦從來未有之事又何必過為顧慮哉俾安皆我民從今蒙古

類無一不王臣

托和爾行

我師攻圍賊庫車臨衝弗弗四面羅舊降伯克謂之伯克為我用其名

鄂對散秩加授職散秩大臣備知彼中之形勢悉告將臣防周遮托和爾地名

通賽里木地名賊來援者所必過爰遣達克他那藍翎侍衛名瞭遂見踪跡

詳寡多以計誘賊賊遂至達克他那緩行誘賊賊往亦伎賊進則退遂引至近軍營處請為前導剿賊窠發師

順德訥副都統領隊大臣率往堂堂之陣誰逆賊不自量犯兩翼兩翼飛馳

張鶴鵠長箭大礮如雨下狂回奔亂氣消磨填溝受殺敢迴顧血

流漂杵時無何剿賊二千四百餘傷我十數忠堪嘉是為征回第

一戰遂叨

天佑威荒遐軍書日馳六百里奏函夜至披衣視賜官錫祿酬庸
勳克城更待頒恩旨討逆伐賊非得已鯨鯢京觀豈所喜

和落霍漸行

今春我師剿逆夷首戰實和落霍漸斬將率旗早報捷酬勞頒賚
已有差卽今生解俘囚至日渥赍特宰桑伊散秩大臣曾授職乃
敢倡亂如鴟鴞面詢彼所致敗故昨舌惟歎天奪其彼衆猶有千
餘騎覘知我寡設計奇輜重遠行誘我逐層層伏賊據險巘官軍
四百始馳至少騎示弱山之陁我進彼乃蠡涌集銃礮如雨循環
施我軍曾無一傷者百靈擁護信有之衝鋒突入矢齊發賊乃喪
膽紛離披鹿墮隴種各逃命大鞬大膊張軍威殲彼屍僵近四百
負傷遁者數無訾是誠

天助額手慶奮勇要亦資人爲問率軍者其人誰超勇親王家聲

貽

將軍車布登扎布爲超勇親王額駙策楞之子其兄成袞扎布
襲封親王車布登扎布以奮勇著績爵封郡王亦賜號超勇

軍書

軍書羽速至謂喜顧生恨言志兼紀事顛未必傳信先是奉回纥

將謂賊渠遁茲因沙雅降

雅爾哈善等先以迎勦霍集占職衆率族回會免脫奏報至是沙雅爾城回長阿三和卓木乞降錄其供詞始將霍集占敗入庫車潰圍不得出後乘晝夜遁

去諸將並未追擒清歷歷叙明

伯克親詳訊始知霍集占來救庫車因爲我軍所截入城

欲伺釁合力旋突出彼遮復挫勒乃率四百騎夜出身免愁咄哉

堪扼腕選將吾未慎失機有如此是豈疎防僅譬鴉自投羅解放

翻成客夷考自軍興誤事率臣盡徒憐諸士卒奮勇冒白刃賴

天雖有成決策屢多悶自責不知人遑敢弛國憲

烏什城酋長霍集斯伯克攜回衆獻城降詩以紀事

執渠早是被恩榮

先是達瓦齊自格登窮竄霍集斯伯克率軍檄設計縛獻錄功褒賞

畏逼還隨尙近情

霍集斯伯克與小和卓木均係回目特爲

所強僞因附和觀受罪在可宥

識順料伊將倒戟

膏與軍機大臣籌畫軍情會聯及霍集斯伯克有險藏達瓦齊一我軍至其地料彼或降順比及大兵既近伊果遂款小和卓木計圖擒縛因爲潛覺遁去

遂率衆投款軍門

剪凶匪我願佳兵申明昧雉霜嚴令

庫車之圍逆會睡手就獲而失律者貽誤因令將軍兆惠往代就塗次執失律之臣明示顧戮

軍威大振 豐見牽羊肉袒迎

天佑人歸逮底績越因兢業懍虧盈

我師

我師萬里外馬力實難繼况深入賊巢主客勢誠異以此彼所圍

固守鼓衆氣豈忍罪輕進惟獎勤王事

十年十月十三日之役將軍兆惠直隸葉爾羌城僅以四百餘人衝勦賊衆二萬餘又遣追馬之猝有挫

初然深溝高壘悉力持守賊不敢犯其果銳沉毅有大過人者若輒以倖試爲營議將徒快儒夫首鼠之論何以勵將集事是以屢詔褒勉而趨諸軍刻日赴援

再三督援師速進以接

濟亦不待督責敵愾人同勵

參贊尙書舒赫德於阿克蘇城先簡駐城銳卒並督諸路兵先至者星馳往營而將軍伯富德等所統滿州索倫察哈爾及綠旗營兵取道雲集

贊公阿里袞以次解馬濟師一時軍聲士氣爲之益振

屈指數

上聲

居諸兵應臨彼地爭勝在俯仰所關信

非細中夜不安寢亟盼佳音至忽傳驛致章秉燭披衣視

叶

鏖戰

五日夜斬將擐旗幟副將軍富德參贊及軍士

叶

同心成巨功殲

賊數千騎

富德報至稱本年正月初六日統兵行至呼爾滿地方遇賊騎五千乘夾擊轉戰五日四夜會參贊阿里袞督解馬匹亦至分翼斫戰賊衆創潰戮賊千餘人餘悉負傷敗竄而逆酋大和卓木屬中鎗傷賊衆昇之入城

且潛回喀什噶爾矣

已近將軍營通信卒遣四

時將軍兆惠營中聞鎗聲知援兵已至乃勵兵邀戰將賊焚燬數處且陣戮千餘人生擒五十餘人獲器械無算並道索倫回兵各二

人自軍門持牘相聞富德因附以入奏

頑回百計攻官軍一意備以此歷三月無恙皆甯謐

叶先

是舒

赫德得兆惠檄取援兵割云營中有餘糧可二三月爲堅壁計自後回會或用雲梯或用決水皆爲我兵先覺應手破之而營中繕備益嚴故困守雖逾時而人皆有固志至是馳報自將軍下逮介士並整暇如故云相商夾擊

策一舉期功遂四月寤寐縈今朝始慶慰殷心念衆勞額手感

天賜伫待捷音馳國朝威遠被

黑水行

喀喇烏蘇者唐言黑水同去年我軍薄回穴强弩之末難稱雄築壘黑水待圍解詎人力也

天帡幪明瑞馳驛踰月到

毅勇承恩公明瑞 孝賢皇后姪也命以副都統領兵行間爲前鋒召回京間以被圍情狀自葉爾羌抵京路萬五千里疾馳踰月而至

面詢

其故悚予衷蜂蟻張甄數無萬三千餘人守從容審米濟軍軍氣

壯奚肯麥麴山鞠翦引水灌我我預備

逆回導渠淹我營壘將軍兆惠等預開溝引之入河且轉資其用

反資衆

飲用益豐銃不中

去聲

人中營樹何至析骸薪材充著木銃鐵獲萬

億

賊據高施銃鉛丸空集營樹上我軍斫木爲薪木中得鉛丸萬億即取以擊賊斃賊無算

翻以擊賊賊計窮先是營內所穿井圍

將解乃智其中聞言爲之悵諸臣實鞠躬隨復爲之感

天眷信深崇敬讀

皇祖實錄語所載曾聞我

太宗時明四總兵來戰正值大霧彌雰雰敵施火礮樹皆燬都統

艾塔往視攻回奏敵礮止傷樹我兵曾無傷矢弓匪今伊昔蒙

帝佑覲揚

前烈勵予冲詎人力也

天幘幪大清寰海欽皇風

和闐賊遁詩以誌事

并序

和闐爲回部扼要重地所屬六城曰伊里齊哈拉哈什玉隴哈什齊喇塔克克里雅而統名之曰和闐先是將軍兆惠遣侍衛齊凌扎布噶布舒及回長鄂對伯克等往招歸順繼大軍被圍小和卓木遣賊黨往攻和闐齊凌扎布噶布舒等分守伊里齊哈拉哈什玉隴哈什三城百計抵禦以待援師其餘三城力不能支復叛降賊兆惠等解圍之後卽遣副都統巴圖濟爾哈爾瑚爾起等分兵馳救望見賊營時值大霧彌漫我師乘勢奮勇直前衝擊殲其渠魁阿布都海里克及和集雅斯二人鄂斯滿被創竄去餘賊悉遁和闐得以解圍其三城仍卽撫定

傅檄曾聞定六城狂且怒臂致加兵力單三堡重

去聲

反覆

伊里齊哈拉哈什玉隴哈什被

圍時齊喇塔克克里雅城內降回度守禦單弱不能自存隨復叛賊

計守十旬實勇誠產玉河邊遁敵騎採花沙上

識千旌古稱羊侃斯爲盛何吝嘉勸爵賞行

博羅齊行

博羅齊者鄰和闐逆回據險值我軍先是圍解黑水困元戎遣救

掄二臣

去冬將軍兆惠兵逼葉爾察特勇徑渡葉爾察河以衆寡不敵爲賊所困乃築柵黑水之地相持累月小和卓木乘間遣賊黨往圍和闐六城已失其二遣副將軍富德統兵應援與兆惠夾擊破賊圍解之後兆惠與諸將集議遣副

都統瑚爾起及巴圖濟爾哈爾率偏師馳救和闐

一爲瑚爾起吉林舊族世受恩一巴圖濟爾哈爾乃

厄魯特宰桑其勇誠超羣同心協力速赴援率軍數不能盈千途

歷戈壁不毛之地負甲步進無俄延哈拉哈什已垂陷齊凌扎布

馳來言夜急行至伊里齊時賊望風先逃奔集兵拯哈拉哈什賴

天大霧彌漫乘霧直擣賊營後伺怠奮勇攻中堅斬將奪旗獲

輜重孤城恢復餘俱安昔薛延陀禪神能致雪冀困李勣終乃自

敝焉此霧或亦敵鮓答

西域習兒連音能禁制作使風雲霜露名爲鮓答

翻爲我用成功全易云天所

助者順向猶未信今信然持盈知足感

帝佑敢肆志詡能開邊

黑爾根巴圖魯瑪琚斫陣歌

乙亥以來有事戎賴我衆力成膚功重賞之下多勇士捨身圖報

羣輸忠舒布圖鎧實巨擘三巴圖魯繼厥踪

見丙子集中

後乃不可屈指

數就中瑪瑞尤稱雄經卅餘載皆首出舉旗斬將誰爭鋒鐵騎憑

陵諸鄂拓

準夷部落名

肅清伊犁揚英風今春我軍急進援富德率軍如

熊熊瑪瑞命領塗路首

蒙古語先鋒探信者

呼爾瑞處賊迎攻堂堂之陣賊辟易

瑞乃獨進躡寇窮金鞭連策大宛馬繡螯不用雕弓一箭正中

賊要害再箭倉卒乃落空三箭終殪賊墮馬忽忘身入賊隊中蜂

屯蟻雜齊擁簇瑞之馬斃倒沙蓬捨馬步戰短兵接叱吒凌厲氣

如虹我軍隨進瑞乃出檢傷十處中

去聲

其躬以帛裹傷明復戰義

膽自有神帡幪花門降胡昨舌歎如此超勇聞何從將軍一一據

實奏不奇其勇憐其衷設非立志忠且壯安能效功名崇馳驛

令歸不可再嫖姚賜第今堪同席前備陳隕涕聽厚賚覺未酬勲

庸仍歸禁旅領宿衛

命爲護軍統領

若無曩勩撝謙冲古來歸奏未央殿却

聞天子不召見

喀什噶爾回衆投誠詩以紀事